

沅陵縣志卷十

賦役

田地塘

原額田千八百三十八頃五十三畝八分三釐七毫每畝  
 科糧米六升二合六勺六抄九撮九圭其該米萬一千  
 五百二十二石一斗一升九合九勺每石科銀一兩二  
 錢五分三釐五毫五絲三忽九微八塵三纖五渺四漠  
 共該銀萬四千四百四十三兩三錢三分九釐二毫九  
 絲九忽五微一塵六纖六渺

原額地八百七十八頃三十三畝一釐四絲

沅陵縣志

卷十

賦稅

田地塘

一

內秋地八百九頃五十七畝一分二釐六毫三絲每畝  
 科秋糧米三升一合四勺三抄六撮三圭七粒五粟其  
 該米二千五百四十四石九斗九升八合四勺七抄每  
 石照前則例派徵其該銀三千一百九十兩二錢九分  
 二釐九毫五絲四忽八微六塵九纖七渺

夏稅地六十六頃九十七畝八分八釐四毫一絲每畝  
 科夏稅小麥三升一合四勺三抄六撮六圭其該麥二  
 百十石五斗五升八合六勺九抄八撮一圭每石科銀  
 五錢一分五釐五毫三絲三忽六微七塵三纖一渺七  
 漠一茫其該銀百八兩五錢五分九絲九忽五塵



桑地一頃七十八畝每畝科桑絲五錢共該絲五觔九兩於夏麥內帶派

原額塘二十五畝五分二釐每畝科秋糧米六升二合六勺七抄共該米一石五斗九升九合三勺七抄每石照前則例派徵共該銀二兩四釐八毫五絲八忽七微二塵七纖六渺

以上田地塘共二千七百十七頃十二畝三分六釐七毫四絲額載秋糧米萬四千六十八石七斗一升七合七勺一抄康熙三十年丈量案內科算歸正減尾糧一升八合二勺一抄零該秋糧米萬四千六十八石六斗

沅陵縣志

卷十

賦稅

田地塘

二

九升九合四勺九抄零內夏稅小麥二百十石五斗五升八合六勺九撮科算歸正收零積尾糧五撮一圭零該小麥二百十石五斗五升八合七勺三撮零共額徵條麥銀萬七千七百四十四兩四錢四分二毫丈量案內按畝科算歸正減尾銀二分二釐八毫實徵銀萬七千七百四十四兩四錢二分四釐四毫零

九釐餉

額徵九釐餉銀二千四百九十九兩四錢三釐八毫七絲

五忽

按萬歷戊午己未庚申三年加增

康熙三十年丈量案內按畝科

則合算歸正收零積餘一微五渺八漠八茫實徵銀二



千四百九十九兩四錢三釐八毫七絲五忽一微五渺  
八漠八茫

歸併辰州衛屯田

原額五十二頃七十七畝七分八釐七毫九絲二忽三微  
六塵二纖八渺二漠每畝科糧八升七合八勺一抄五  
撮共科秋糧四百六十三石四斗六升八合七勺九抄  
每石照民則例派徵其徵銀五百八十兩九錢八分三  
釐一毫四絲七忽九微四塵二纖四渺康熙三十年丈  
量案內按畝科算歸正收零尾銀一毫九絲應徵銀五  
百八十兩九錢八分三釐三毫零乾隆三年照民則例

沅陵縣志

卷十

賦稅

九釐餉

屯田

三

每畝科秋糧六升二合六抄九撮九圭減糧百三十二  
石七斗一升五勺五撮一圭一粒八粟計減銀百八兩  
四錢六分四釐六毫實徵糧三百三十石七斗五升八  
合四勺四抄一撮三圭九粒五粟實徵銀四百七十二  
兩五錢一分八釐六毫五絲一忽一微九塵六纖一渺  
六茫

戶口

原額人丁萬一千五百六十六丁二分八釐每丁徵銀三  
錢六分二釐該丁銀四千一百六十六兩四錢六分五  
釐三毫原開除七千八十一丁七毫八絲計開除丁銀



二千五百五十兩七錢一釐三毫零康熙四年奉文豁免運夫入丁三名二十一年奉戶部覆允巡撫韓題爲各屬具報拋荒等事一案奉旨豁免十三年至十九年共開除五百九十六丁六釐二毫康熙二十五年三十年三十五年四十年四十五年六次編審審復百一十二丁五分九釐八毫除編審外實開除四百八十三丁四分六釐四毫豁除丁銀百七十四兩一錢五分五釐九毫七絲零實存三千九百九十八丁八分八毫零實徵丁銀千四百四十兩五錢二分七釐四毫七忽三微三塵九纖八渺三漠九茫康熙五十五年至乾隆三

沅陵縣志

卷十

賦稅

戶口

四

十一年十一次編審滋生百六十六丁

歸併辰州衛戶口

原額並審增二十七丁一分六釐每丁照民則例派徵銀九兩八錢四分康熙二十一年開除五丁一分六釐二十五年三十年三十五年四十年四十五年五十年六次編審審復二丁二分四釐實存二十四丁二分四釐實徵銀八兩七錢八分八釐七毫一絲七忽三塵一纖六渺九漠八茫六抄

康熙五十五年至乾隆三十一年十一次編審滋生十二丁



嘉慶二十一年戶四萬七千五百三十口三十七萬四千五百六十

按順治四年題准編審人丁九年老殘疾並逃亡故絕者悉行豁免康熙五十五年覆准編審新增人丁欽奉恩旨永不加賦雍正七年覆准各省丁銀均攤入地糧內徵收乾隆三十七年欽奉

上諭嗣後編審之例著永行停止

丁糧外派

額徵湖課地課客夫共銀二百十四兩七錢零除有額無徵外實徵魚課銀五兩七分五毫七絲

沅陵縣志

卷十

賦稅

丁糧外派

五

原額班匠納班三百三名內開除人匠二百五十八名現納班四十五名每年每名帶閏納銀八錢共銀三十六兩康熙五十二年奉文均入田賦內攤徵

闔縣通民屯條丁九釐餉魚課班價共定徵銀二萬二千二百六兩七錢三分三釐六毫二絲二忽六微八塵一纖一渺八漠五茫六抄遇閏加魚課銀一兩一錢七分一毫三絲一忽五微五塵

合計見徵銀數以備稽覈至起運款目與存留經費則有全書及年例奏銷文册可考不能悉載

雜稅



原額牙雜稅並新增牙帖共銀三兩四錢

田房牛驢二稅歷係儘徵儘解原無定額

額銷鹽萬二千五百八十引每引改子鹽四十一包六分九釐六毫每引納稅銀二分係商人交納解司轉解每年行銷原無一定

貢物

解北硃砂二觔八兩南硃砂一觔

按康熙年間縣志載有此款乾隆年間府志不載惟載四邑舊有硃砂之解今則非需用不取云云湖南通志乾隆七年停解四十五年起減半派解一觔十兩七錢

沅陵縣志

卷十

賦稅

雜稅

貢物

六

四分五釐六毫嘉慶二十四年仍照原額派解茲查縣案實每歲仍由縣捐俸辦解是府志非需用不取之說殊欠案証

解白蠟三百五十觔

按此款舊府縣志均不載湖南通志載之其解數與縣案相合 部定價值每觔價銀四錢六分向由縣赴藩庫具領傳給浦市各行戶採買繳縣解司轉解至咸豐四年上游蠟樹被髮逆斫伐採買不出遂爾停解同治五年經禮部 奏准文催現仍無從採辦查近年市價每觔須銀一兩六七錢不等其為蠟種短缺顯係實情



若仍照章領給各行戶不堪此賠累地方官亦難於追  
比要需莫辦民困莫蘇是在當事者之設法變通耳  
解界亭貢茶五十觔

按此款亦不載舊府縣志縣雖有案而原卷無存不知  
始何年月大約乾嘉之際始有此事歷係由縣於穀雨  
前照市價銀傳給界亭驛承辦各花戶採買繳縣批解  
撫轅轉解其價銀由撫捐給不在支給庫款之條

明辰州府推官解州侯加地曰楚故澤國禹貢所謂厥  
土惟塗泥厥田惟中下者獨辰郡四望皆山厥土磽确  
厥田下下府屬中黔沅淑稍稱沃壤辰谿次之麻瀘又

沅陵縣志

卷十

賦稅 貢物

七

次之然地僅彈丸而逼迫於苗夷矣沅陵幅員遼濶奇  
山怪石西南天險在焉土無膏田無腴獨當衝煩乃以  
六升有奇起畝而黔沅科畝反倍殺也矧黔沅之田每  
十畝獲穀幾百鍾少亦不下六七十鍾而沅陵田每十  
畝上者不過十七八鍾下則八九鍾又置產之家與佃  
民計畝而分各得其半輸稅之餘不足以飽八口饒者  
無一歲之蓄乏者鮮宿春之糧民之沈痼所以未易瘳  
也萬歷以前田地各分三則猶有古禹貢遺意清丈後  
惟沅陵一則起科雖免雜偏之煩而方土之色性弗辨  
諸色之攤派未均不幾爲里魁獨胥飛影實哉滋茲土



者誠合一郡而均調之則履畝執度固首圖也

又曰古籍民之意無非周知其數而時生聚教訓之上  
下相保以捍圉吾民衆則強寡則弱強弱之形政之符  
鏡也今制縣官歷十歲而閱民而審編故套惟以增額  
爲能官扶額爲保息咫尺之版吏胥之百蠹穴焉而惟  
豪惟賄俱爲政矣辰郡生齒濶稀獨沅陵稱最崇山深  
谷甚至百里無煙十里無藝者無他地利薄而賦偏煩  
故逋頑之眾輕去其鄉上竟莫之省也且以辰之轄屬  
其大什伯於江左各郡卽生產蓄積臻於庶阜不難迺  
西沅之民齒居縮而籍取及籍益盈而齒益縮蓋有詭

沅陵縣志

卷十

賦稅

八

戶因有裁丁有裁丁因有詭派有詭派因有冤納昔人  
謂反裘負薪皮盡而毛安附民之凋耗無怪也然則六  
養六安之政果異人任乎

前沅陵縣知縣廣寧郎廷榘請改民屯田地科則詳文  
康熙四十二年五月內沅陵縣民唐勝玉向翰元等具  
呈撫部院趙爲邊地科糧偏重小民困苦難堪籲恩請  
題改減以廣 皇仁以甦民累事詞稱田賦科則原視

地之肥磽貢上恤下經典昭然是以政頌均和民歌康  
阜未有邊疆瘠土科則獨重如我沅陵苦累有言之淚  
下者幸逢大老爺勲猷夙著忠忱上孚凡有敷奏皆切



國計民生故上年審苗一案獨遠借寇公至駕臨辰曦等環顛馬前哀訴積苦得蒙恩鑒因復顛前撫憲金蒙批司牌行府縣今仁天照臨南楚誠沅民千載一時之遇不憚千里泣奏也竊思沅邑遠介邊徼逼處苗蠻山多田少刀耕火種在昔一則起科而辦賦實與郡屬州縣相等足徵田土磽瘠無何明末事變加賦箕歛每田一畝加科至六升二合六勺六抄九撮九圭每地一畝加科三升一合四勺三抄六撮三圭七粒五粟屯田每畝科糧八升七合八勺一抄五撮之多小民茹苦飲泣負累傷心以致輕棄田廬逋逃異鄉雖歷久生聚又蒙各

沅陵縣志

卷十 賦稅

九

上憲暨我縣廉多方休養加意招徠而究不能比戶成風者皆由賦重傷元之所致也辰屬七州縣沅陵最稱下區而辰瀘兩縣起科四升有零不等沅黔兩州縣起科二升有零不等麻陽縣起科每畝止一升七合八勺七抄一撮况接壤者永順保靖兩土司腴田不稅田皆王土民皆王臣沅邑田地之磽視數州縣司之壤不加腴何辜科糧獨重至今爲不解之錮累也方今恩溥遐方於湖南百姓尤加軫念特免三十九年正賦數百餘萬揆此改減一邑科粟之數尙不及蠲徵萬分之一而邊地小民永蘇無窮之累若蒙繪圖入告自荷



恩綸大沛且清浪辰谿兩縣衛屯田科則於三十四年又  
瀘溪屯田於三十八年黔陽靖衛屯田於三十九年接  
蒙請改科則沅民偏困之苦特未上告耳語云仁人一  
言利普萬世是在今日切有仰望於大老爺之爲民請  
命也爲此瀝血哀懇俯念沅民困苦已深將民屯兩項  
田地做照辰屬何縣衛科則納糧特請改減億萬生靈  
仰被覆載等情奉撫院趙批仰布政司確查通詳報本  
年五月二十七日奉藩憲施牌行辰州府查照速將唐  
勝玉等所訴前情細繹原詞妥議詳報覆核通詳再照  
此案先奉前撫部院金批據沅民唐勝玉等訴同前事

沅陵縣志

卷十

賦稅

十

緣由批行查議隨經備飭該府確查在案但事屬一情  
應行遵照今奉院批事理行府仰縣遵照本年八月內  
沅陵縣知縣卽廷樾奉府飭查傳諭里民赴詢情由以  
憑議詳據闔縣民唐勝玉等公訴爲瀝陳偏苦望切更  
新籲天詳達事詞稱沅邑崇崗陡巘從無竟里平原穿  
壑深渠間有方圭瘠畔下盡石磧上無陂堰刀耕火種  
遷轉無恒豐年咸仰糴鄰封歉歲俱剗蕨深谷民之極  
苦由土之極瘠也較諸郡屬最稱下下之邑而實難辭  
首縣之名慨自前朝弊政加賦小民逃徙旋遭賊臣節  
次蹂躪幸逢蕩平蒙經畧部院洪鑒悉苦情仰體



皇上德意於明季納糧賦內止

題報熟糧四千三百之數民始有更生之慶不意哀鴻甫集又遭吳逆盤踞蕩平後蒙撫憲韓念切湯火餘生復題減一千四百有零止納熟糧二千九百熟少荒多或得苴罅補漏各懷緘默之心而不憶及科重之苦者職是故也至康熙三十一年奉文沅邑民屯田地除真正荆棘成林老荒外其餘共丈報熟糧九千四百餘石較之原熟一倍三倍糧增而則未減則重而糧愈多迄今十載積久難完卽蒙多方軫恤催科寓以撫字痼痲念切究於小民切膚之苦未甦也試思同郡之沅州黔陽兩

沅陵縣志

卷十

賦稅

十一

處計田四十六畝有零方科糧一石麻陽之田爲數六十畝方科糧一石而接壤之辰谿瀘溪兩縣計田亦有二十五畝方科糧一石惟沅邑田糧一石數僅十五畝地糧畝數倍之屯田石糧僅十有一畝而已以此荒瘠之處幾於斗種斗糧賦實難辦所以視田廬如敝屣而不顧者蓋緣得不償失也此際再無補救將見流離逃亡日甚凡茲困苦情形在仁廉有拯濟之心而難於遂志上憲有轉移之權昔年屢經籲訴皆恐違礙中止恭逢堯舜之君而沅民偏枯未釋無乃東風解凍尙溝壑凝冰歟何期上邀



天眷客冬因審苗一案撫部院趙與前撫憲金奉

命道辰

蟻

等備叙積苦做援清浪瀘辰等縣衛改科則事

例先後環顧馬前當蒙目擊凋瘵惻久之今逢撫憲榮任楚南匍轅泣訴奉批藩憲行文查議又恭逢

恩詔內開一凡直隸各省有不便於民者具

奏改正昭見沅民訴苦甦生之路也况昨撫憲特奉

上諭飭力減加耗盡革私徵務使吾民咸登康阜業經建

立碑亭俾億萬年永戴

格外曠恩若此科糧偏重之苦一蒙繪圖入 告當荷

俞音特予豁減者也今奉查議闔縣民人縷縷泣陳伏懇

沅陵縣志

卷十

賦稅

十三

上體

皇仁下甦民累俯將民屯田地查做郡屬何州縣貢賦輕典賜文轉詳請

題改減急拯殘黎免致失所等情隨取具唐勝玉等口供在案知縣卽廷榷看得任土作貢原以因乎地利宜乎人情品節均和未嘗一失偏枯也沅邑山多田少土地磽确刀耕火種稼穡維艱地利之薄如此田高則水道難通田低則山漲莫禦水利之阻又如此所幸雨暘時若民力可支若卒遇凶荒莫從補救兼之界處邊徼偏接苗蠻野皆不毛之土家無擔石之藏

職

從前勘丈日



擊愴然乃民屯兩田每畝科糧至六升有零八升之多  
宜闔縣民人唐勝玉等恭逢撫憲榮任而有邊地科糧  
偏重之訴也職傳集唐勝玉等查詞內情由問其科則  
何爲偏累則曰邊疆貧苦土壤磽瘠也且同郡之辰瀘  
沅黔等州縣之田或二十五六畝或四十六七畝方稅  
糧一石而麻陽之田爲數六十多畝亦只稅糧一石沅  
邑民田纔十有五畝屯田僅十有一畝卽科糧一石其  
輕重懸殊又如此也詰其式非今定曩胡不言則曰前  
順治年間於明末納賦糧內僅

題報熟糧二千九百荒多熟少其補有餘遂爾緘默今之

沅陵縣志

卷十 賦稅

三

熟糧數則九千四百零水落石出力難辦納其訴亦  
不自今日始也至聖書額載爲問該民等又以清浪  
龍陽辰瀘等縣衛丈量之後因科則苦重曾經籲

題俱蒙改減有例可援也凡茲縷晰敷陳質諸原詞情節  
匪獨無一不合而每見啟口淚與言隨其艱難疾苦有  
足憫惻者職查辰屬田賦事全一體似此貧瘠邊衝之  
區而貢典較之鄰邑獨厚似屬偏重伏思我  
皇上德侔堯舜視民如傷給復

賜租蠲漕發帑無歲不行薄海內外罔不飲和食德而湖  
南介在邊遠邀



恩最厚特簡撫憲節鉞南楚昨奉

諭旨嚴飭力減加耗盡革私徵尤屬千秋曠典想見明良  
合贊心德交孚欲濟斯民於康阜之盛迄今政令一新  
南楚半壁皆成樂土奚肯令蕞爾邊民困於偏重而有  
向隅之泣也况清浪辰瀘等縣衛請改減科則俱有成  
例職身任地方恭承查議若但籌及

國賦不以民隱上聞負

皇上子惠洪恩上憲休養德意而職守因之乖隳矣伏查  
例載一州縣官將民苦情不行詳報使無從控懸別經  
發覺者州縣官革職永不叙用等因又奉

沅陵縣志

卷十 賦稅

十四

恩詔內開一直省地方有現行事例不便於民者詳察開  
列具題酌量更正今沅邑科則偏重與例相符合將查  
明緣由據實詳覆伏候鑒奪俯將沅邑民屯兩項田地  
倣照何縣衛科則納糧詳請改減則沅民感戴

皇恩憲澤與天地併永矣等因奉署府王批仰候轉詳繳  
隨蒙署府王詳看得辰郡七屬山多田少土瘠民貧未  
經清丈以前尚有將荒補熟百姓易於輸將近自清丈  
寸土尺地毫無隱漏窮民難堪是以辰瀘黔陽三縣屯  
糧於欽奉

上諭謹遵



恩詔屯衛無異等事三案內備述屯糧獨重軍戶難堪俱蒙歷任督憲

題請改減已奉

俞允欽遵在案今奉行查邊地科糧偏重等事卑署府備

查辰郡各屬自二十四畝至六十畝不等俱科糧一石

獨沅邑民田一十五畝屯田一十一畝便科糧一石夫

沅雖首邑其田土與各屬無異而糧則獨重此唐勝玉

有科糧偏重之詞也茲據該縣覆詳卑署府覆查無異

其民屯科則偏重似宜請改而科則應照何屬未敢擅

議合請憲臺軫念窮黎獨受偏累俯將辰郡六屬糧則

沅陵縣志

卷十 賦稅

權其輕重酌中定額庶幾貢賦均平沅民不受偏累而

於

國計民生均有攸賴倘得援例

題改則沅軍民咸沐

洪恩於無既矣伏乞酌奪等因奉藩憲施批仰候另檄行

繳本年九月二十五日奉藩憲施憲牌據該府詳覆沅

陵縣民屯田糧科則偏重一案遵卽行據沅陵縣查明

該縣民屯科則委屬偏重似宜請改而科則應照何屬

未敢擅議請憲俯將辰郡六屬糧則權其輕重酌中定

額援例



題減等情到司據此除詳批發外爲照田糧科則係載全書乃久定章程其間輕重不一實由則壞成賦詳議請改務須因地制宜今沅陵縣民屯田糧科則該府縣既經查明委屬偏重似宜請改必須確查妥議比照所屬何縣科則權其輕重酌量請減毫無遺議始可據詳請

題且查詳內並未將該縣原額糧銀以及請減數目叙明含糊游移事關請減

國賦難容率混合行駁查爲此備牌行府即便遵照所駁各情節將沅陵縣民屯田糧科則再加確查如果偏重

沅陵縣志

卷十

賦稅

十六

卽比照所屬何縣科則酌量請減是否不干院部駁詰並開明該縣原額糧銀及應減數目妥議詳覆立等轉詳院奪毋再含糊混延等因行府駁查仰縣遵照本年十月內知縣郎廷樾卽傳示里民確查議覆據闔縣民唐勝玉等訴爲上憲恩膏已沛小民疾苦可甦再瀝下情籲請詳達事詞稱民屯田糧科則偏重先經籲訴行查已奉核實上達在案荷蒙藩憲鈞牌確查比照何縣科則議請改減蟻等闔縣民人聞茲恩命感激涕零誠撥雲見天也竊沅邑地多奇山怪石素稱天險旣當衝繁復迫苗壤土無膏田無腴饒者無一季之蓄乏者鮮



宿春之糧加以科則偏重民之沈痼所以未易瘳也今奉  
上恩令照何縣科則議減蟻等伏思小民茹毛踐土  
分應輸忠納賦不敢妄希麻陽輕典其瀘辰兩縣雖與  
沅陵接壤交錯然悉稱小縣亦不議及惟我首縣應與  
沅州相較試以沅州論額田地塘二千八百三頃八十  
六畝零僅科糧六千六百八十三石零蟻縣額田地塘  
二千七百一十七頃一十二畝零糧反至一萬四千六  
十八石七斗之多且極衝並載於志書土宜實判於雲  
泥豈因彼地之沃改我向義之誠以磽例肥或無餘議  
今照沅州科則乘算闔邑田地塘各原額其應請減民  
沅陵縣志

卷十

賦稅

十七

糧七千四百九石三斗零應請減屯糧三百三十四石  
零蟻等集議妥確披瀝再

奏伏懇鑒察俯從州則詳請

題改甦民偏困永戴洪慈等情隨傳集唐勝玉等細問口  
供並取具甘結在案知縣郎廷榷覆看得卑邑民人唐

勝玉等訴減田糧科則一案先經查明詳請核達今奉  
鈞檄轉蒙藩憲批行再加確查如果偏重比照何縣科  
則議覆等因是沅民樂利興歌卑職陳請有會之時也

當卽傳示唐勝玉等議訴前來職查賦稅之輕重關係  
民生之休戚章程固定於



全書因革惟覘乎利弊今辰郡四望皆山厥土磽确厥田下下且又物產不蕃就屬邑中而差等之黔沅淑稍稱沃壤辰谿麻陽則又次之降至沅邑衝繁貧苦較之各屬爲甚前詳情形大畧止述一二卽以田論他處每田十畝多至獲穀二十幾庾及三十多庾不等而沅邑每田十畝不過獲穀八九庾甚則止五六庾輸稅而外不足以供八口何科糧之制加隆無殺委屬偏重洵無捏飾非較豐緘之不均實爲地利之莫辨語云琴瑟不調則取而更張之誠當請

題故減者也至應議照何縣科則之處查據里民訴供不

沅陵縣志

卷十 賦稅

六

敢妄希麻陽輕貢請比沅州辦賦則例情事亦洽第賦稅所入係供一切經費卑職既不忍膜置民艱又何敢輕視

國課再四籌度惟查瀘溪疆域逼接其土方色性又復相等比援而論庶可仰副憲文因地制宜酌量請減之飭今考瀘溪見科糧則每田畝起科四升七合六抄二撮二圭地每畝科糧二升一合一抄六撮三圭九粒塘每畝科糧四升七合六勺三抄四撮八圭五粒其每石起徵銀數較沅邑稍細亦未便再議輕典惟改照瀘溪科糧之則仍用沅陵徵銀之法乃曰均和再考瀘溪辰谿



等縣衛屯田請減科則事例俱係照各歸併縣邑民則起科既議比照瀘溪科糧之式則歸併屯田應同一體茲查<sup>卑</sup>縣原額田地塘三項其額科糧一萬四千六十八石七斗一升七合七勺一抄其額徵條銀一萬七千六百三十五兩八錢九分七釐一毫一絲二忽一微一塵三纖九渺今照瀘溪各則科算應請減額糧三千五百六十八石一斗三升四合八勺八抄九撮四圭二粒三粟仍以沅邑賦則乘算應請減額條銀四千四百七十二兩八錢三分七釐一毫六絲八忽九微一塵八纖六渺九漠六茫又歸併屯田原額糧四百六十三石四

斗六升八合七勺九抄原額銀五百八十兩九錢八分三釐一毫四絲七忽九微四塵二纖四渺今照議改民則事例應請減額糧二百一十五石八升四合四勺七抄九撮一圭八粒一粟應請改額銀二百六十九兩六錢二分五忽六微七塵五纖八渺二漠九茫此請減民屯各額糧銀之數也其見在實熟田地塘項下其應請減實熟民糧二千三百五十四石五斗一升八合六抄三撮四圭一粒四粟應請減實徵民賦銀二千九百五十一兩五錢一分五釐四毫九絲七忽七微一塵八纖九渺二漠四茫又歸併屯田見在實熟項下應請減實



熟屯糧一百四十四石一斗六合八勺四抄六撮二圭  
八粒應請減實徵屯賦銀一百八十兩六錢四分五釐  
七毫一絲一忽二微一塵二渺五漠七茫凡此悉係查  
照辰郡各屬科則權其輕重酌議請減並不敢忘公徇  
私少有欺罔誠可履畝而執度者卑職承乏茲土責任  
芻牧既知民間痾癢卽當循例列開上報

君恩下供職守此案有無不干院部駁詰之處職愚實未

當計及也查議已確合將里民甘結加具印結備文資  
報伏候裁奪轉達等因奉署府王批仰候據詳轉請繳  
本年十一月內奉署府王轉詳藩憲施卑署府查得田

沅陵縣志

卷十 賦稅

二十

糧科則久有一定之章程上關 大盈經費豈容輕議  
改額但民爲邦本賦從地出倘以地瘠賦重之區值財  
賈民貧之會則因時制宜似亦芻牧斯民者所當代爲  
請命也辰屬地皆磽确石田而沅陵尤屬下下查康熙  
三十一年以前熟糧僅二千九百邑民尤賴續墾荒田  
之所入補苴罅漏及奉文丈量而後凡石磧溜沙之區  
尺寸皆爲陞科糧額頓增三倍是以收穫所入正供外  
贏餘無幾胼胝終歲俯仰莫贍此邑所以有訴減糧則  
之顛也茲奉憲批再行查議覆行據該縣傳集眾里民  
周詳面詢僉謂不敢妄希麻陽之輕貢止乞比例沅州



之科則在里民自謂以瘠例肥黽勉急公而該縣既不  
忍膜置民艱又不敢輕視

國賦細加斟酌議量照接壤瀘溪之糧額仍依沅邑起徵  
之銀數於民屯原額一萬八千二百一十餘兩之中請  
減額銀四千七百四十餘兩而民屯實熟項下則實請  
減三千一百三十餘兩庶上不參損

國賦下可稍蘇窮氓

卑

署府再四覆查委屬地瘠賦重該

縣令萬不容已代請減則誠非敢忘公忠而市私惠也  
捧讀本年三月十八日

恩詔內開凡直隸各省現行事例有不便於民者詳察開

沅陵縣志

卷十

賦稅

三十一

列具

題酌量更正再查辰谿清浪瀘溪黔陽等縣衛屯糧曾於  
欽奉

上諭謹遵

恩詔屯衛無異等事三案內蒙歷任督憲

題請減額俱奉

俞旨欽遵在案今查沅民所籲似符前例合將覆查確議  
緣由並該縣取到里民甘結該縣印結加具府結一並  
粘連具文詳覆應否俯賜轉詳請

題伏候裁奪等因奉藩憲施批仰候轉詳院奪繳康熙四



十三年正月內奉藩憲施申詳撫部院趙本司看得沅陵縣民唐勝玉等匍赴憲轅詞訴民屯田糧科則偏重  
額請

題減一案蒙批確查詳報隨經檄府查議續據該府縣詳稱查明辰郡各屬自二十四畝至六十畝不等俱科糧一石獨沅陵一邑民田一十五畝屯田一十一畝便科糧一石科則委屬偏重似宜請減等情到司因查詳內未經妥比照所屬何縣科則酌量請減且原額糧銀應減數目並未叙明游移含糊難以遽轉又經駁查去後茲據署府詳據沅陵縣詳稱查瀘溪疆域逼接其土方

沅陵縣志

卷十

賦稅

三

色性又復相等今考瀘溪見科糧則與沅陵科糧則例互相比較輕重懸殊量擬改照瀘溪科糧之則仍依沅邑糧派徵銀之法請詳核減等情並粘連印甘各結呈賈前來相應據結轉詳伏乞本部院俯賜察閱應否會題請減恩出憲裁再照該府縣既援瀘邑科則請改田糧仍用沅邑徵銀之法似屬一事兩例合並聲明等因奉撫部院趙批因丈增而請減額是否可行卽云前督院曾經具

題亦未議及民田仰候彙存查奪仍候督部院批示繳結存查康熙四十三年九月內唐勝玉等呈爲偏困已邀



垂鑒拯援端望全恩乘時再瀝下情懇援例

題減永甦錮累事竊惟沅邑地接邊苗土稱磽瘠極衝極苦而賦反偏重民力難支一種疾感情狀先經憲批確查府縣廉兩次備錄偏重不均情苦查議請減比照同郡接壤之瀘溪縣科則納賦以瘳民困詳蒙藩憲核實轉請頃奉都憲鈞批知照下縣蟻等咸幸再生旬日間鄉市遍傳老少人民莫不感激涕零日遙頌戟轅頂祝天恩實發於赤子之至誠也引領至今未蒙

題達自當靜聽何敢瑣瀆惟是時有升降政有因革恐機會難留謹再披瀝下悃仰籲天聽伏思沅陵加賦之害

沅陵縣志

卷十 賦稅

三三

始則徒有其名繼而疊罹兵燹救死不贍後則有荒可補是以忍痛一時前訴總釋隱忍之由實非因丈增而請減額也設果完賦綽然何致歷年壓欠豈真刁抗成風良由民力難支况涼薄之况鳩鵠之形已蒙目擊久塵慈懷今及時拯濟則康阜漸登若再拮据年所反裘而薪皮必盡矣任過其力走必僵矣此時之有關於升降者如此至清浪瀘辰等縣衛屯田科則蒙前督部各憲具

題改減事出

上恩非有成例可援且民屯均屬赤子偏重無一今蟻縣



糧則如蒙請改雖創實因况自榮泄以來興利多端除  
弊務盡不厭崇高毫無因襲昔賢云有治人無治法豈  
非政有因革之明驗歟伏誦天批彙存查奪是沅民荷  
慈已著惟應祇候成恩且當從前加賦之日顧乃隱忍  
茹荼值今耗減派釐之際反數數陳請是豈不知休養  
之恩耶誠以剝極則復相因之理亘古不謬曩之茹  
苦於心者蓋以非其時言之無益惟望彼蒼默鑒以待  
盛時故也今

皇上洞悉民隱饑溺爲懷憲天膏澤覃布無一夫不獲其  
所際此盛世若復靜俟脫一旦福曜高陞何能再覩仁

沅陵縣志

卷十 賦稅

二十六

天是今日頂頌洪恩終莫實被於千載而蟻等身受切  
膚與其悔失事會無寧甘冒瀆之罪爲愈也爲此千里  
泣血再祈欽憲大老爺俯察情節軫念沅民偏苦實難  
再支大沛鴻慈准如前請卽賜封章入告倘蒙  
聖恩俞允改豁則億萬人民頂戴

皇仁憲德永永無窮矣等情呈撫部院趙奉諭聽候  
題達不必瑣瀆隨奉批前批甚明康熙四十三年十月內  
唐勝玉等訴同前事具呈本府遲奉批則壞成賦千古  
皆然明未及今輕重迥別披閱情詞殊深憫惻檢查舊  
卷言之淒切令人泪下本府雖蒞任方新昔年曾叨衡



陽佐郡久悉此中苦情亟欲爲爾百姓減得一分卽永  
受一分之利此乃本府素心細查原案各憲亦欲繪圖  
請命無奈章程久定驟欲改減良非易事靜候本府婉  
爲調濟可也

論曰讀侯志暨詳文沅陵科則視辰各屬實較重

國朝恩綸疊沛蠲卹之政代三四見民困蓋稍蘇焉乾隆  
三年減屯糧百三十二石永著爲例侯卽一公之有志  
未逮者抑又漸次行矣承平旣久荒山瘠壤日就樹藝  
過重之糧可藉均攤而民間展轉相售不干例禁貧者  
佃耕富者納課亦相安於無事而不復有改科則之望

沅陵縣志

卷十

賦稅

三五

咸豐以來髮逆鴟張蔓延各省湖南州縣多被蹂躪而  
沅陵之罹其害者惟浦市一隅又不數日卽由瀘西竄  
田地無荒蕪之歎戶口無離索之憂茲非其幸歟且小  
民所苦不在額重在浮收又不在浮收在苛索蓋額重  
係定例浮收有成規苛索則真豁壑矣有司牧之責者  
能嚴斥書役勿或譸張爲幻此卽寓撫字於催科也六  
十六里之花戶當戶祝之卽不請改科則亦何難甦吾  
民哉